

# PENGAJARAN KOLABORATIF BERSAMA INDUSTRI

## SESI WEBINAR ORGANIZATION AND ACCESS TO INFORMATION



UITM Kedah dan UITM Sarawak menganjurkan webinar dalam talian untuk pelajar kursus IMC151 bagi mendalami pengawalan bibliografik kebangsaan

Oleh Sharin Sulaiman

Pada 28 Jun 2024, UITM Cawangan Kedah, Kampus Sungai Petani, bersama UITM Cawangan Sarawak Kampus Samarahan, telah menganjurkan webinar dalam talian untuk kursus IMC151 melalui Google Meet. Encik Abdul Jalil Awang, Penolong Pengarah Kanan dari Pusat Bibliografik Negara, Perpustakaan Negara Malaysia, dijemput sebagai penceramah. Webinar ini bertujuan untuk memperdalam pengetahuan pelajar tentang pengawalan bibliografik kebangsaan dan memberikan gambaran terkini untuk memastikan pelajar lulus tepat pada masanya. Acara ini diblayai oleh Tabung Pembangunan Pelajar UITM Cawangan Kedah.

Moderator pada hari tersebut ialah Puan Anis Faradella binti Malik yang juga merupakan resource person bagi kursus Organization and Access to Information (IMC151), pensyarah kanan Pusat Pengajian Sains Maklumat, UITM Cawangan Kedah, Kampus Sungai Petani. Webinar ini telah disertai oleh para pelajar Diploma Pengurusan Maklumat (CDIM110) dari Cawangan Kedah, Sarawak, Negeri Sembilan, Kelantan dan Johor. Sesi dimulakan dengan mukadimah oleh moderator yang memperkenalkan biodata ringkas penceramah jemputan kepada para hadirin yang hadir. Encik Abdul Jalil bin Awang merupakan alumni Pusat Pengajian Sains Maklumat mengambil Ijazah Sarjana Muda Pengajian Maklumat (Pengurusan Rekod) dan telah berkhidmat dengan Perpustakaan Negara Malaysia sejak tahun 2002 hingga kini. Moderator kemudiannya menerangkan latar belakang Perpustakaan Negara Malaysia kepada para hadirin yang hadir webinar. Webinar ini bersifat santai dan banyak masa diperuntukkan untuk sesi soal jawab bersama para pensyarah yang mengajar kod kursus IMC151 dan para pelajar yang mendaftar. Sesi webinar diakhiri dengan ucapan penghargaan daripada pihak penganjur kepada penceramah jemputan atas sokongan dan kerjasama yang telah diberikan oleh Perpustakaan Negara Malaysia.

Rata - rata para pelajar semester 2 yang mendaftar kursus IMC151 pada sesi Mac - Julai 2024 telah menyambut baik dan memberikan maklum balas yang positif dan baik agar program ini dapat diteruskan pada masa hadapan dengan pengisian daripada topik dari sukatan silibus IMC151 yang lain. Terdapat juga para pelajar mencadangkan agar tempoh masa dapat dipanjangkan agar lebih masa diberikan untuk sesi soal jawab. Webinar ini adalah salah satu inisiatif bagi membantu para pelajar untuk meningkatkan prestasi akademik bagi IMC151 secara interaktif.